

**Kommunitoqqat uterfigeqqissagutsigit allaffissornikkut aningaasartuutit qanoq
allangussanersut pillugit Naalakkersuisut nalunaarusioqqullugit Inatsisartut
aalajangiiffigisassaattut siunnersuut. Nalunaarusiaq UPA2025-mut Inatsisartunut
agguaanneqassaaq**

Aqqalu C. Jerimiassenimit saqqummiunneqartoq

pillugu

Inatsisinut Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Mette Arge-Hammeken, Naleraq
Inatsisartunut ilaasortaq Harald Bianco, Inuit Ataqtigiit
Inatsisartunut ilaasortaq Asii Chemnitz Narup, Inuit Ataqtigiit
Inatsisartunut ilaasortaq Kuno Fencker, Siumut

UPA2024 ulloq 18. aprilimi siullermeerinninnerup kingorna ataatsimiititaliap inatsisissatut siunnersuut misissorpaa.

Siunnersuutip imarisaa siunertaalu

Siunnersuut malillugu 2009-mi iluarsartuusseqqinneq sioqqullugu kommunit aaqqissugaanerannut uteqqissagaanni allaffissornikkut ingerlatsinermut aningaasartuutissat pillugit nassuiaasoqarnissaa kissaatigineqarpoq. Kommunit 2009-mi kattussuunneqarnerat iluatsilluarsimanersoq siunnersuuteqartumit apeqquserneqarnera tamatumunnga tunngavilersuutaavoq. Tassunga atatillugu kommunit ingerlatsiveqarfiinik eqiterussineq ilaatigut oqartussaaqataanerup nukittorsarneqarnissaanik kissaateqartoqalerneranik nassataqartoq oqaatigineqarpoq.

Siunnersuutip Inatsisartunit siullermeerneqarnera

Siunnersuut Inatsisartunit siullermeerneqarmat tapersorsorluarneqarpoq. 2009-mi kommuninik iluarsartuusseqqinnerup kissaatigineqartutut sunniuteqarsimannginnera, taamaattumillu aningaasaqarnikkut kingunerisassat nalilersorneqarnissaat misissorneqarnissaallu pisariaqartoq

oqallinnermi isumaqatigineqarpoq, taamaalilluni kommunit nutaamik aggulunneqassagaluarpata tamanna sioqqullugu paasissutissatigut pisariaqartunik tunngavissaqartoqarsinnaaqqullugu.

Inuit Ataqtigiiit siullermeerinninnermi allannguutissatut siunnersuummik imaattumik saqqummiussipput:

Kommunitoqqat uterfigissagutsigit allaffissornikkut aningaasartuutit qanoq allanngussanersut pillugit Naalakkersuisut nalunaarusioqqullugit Inatsisartut aalajangiiffigisassaattut siunnersuut. Nalunaarusiaq 2024’p naannginnerani Inatsisartunut agguanneqassaaq.

Ataatsimiititaliap siunnersuummik suliarinninnera

Innuttaasut sapinngisamik pitsaanerpaamik atugassaqaarnissaat qulakkeertuarumallugu iliuusissatut ingerlanneqartut misissuiffigineqarnissaat ataatsimiititaliamit tapersorsorneqarpoq. Kommunit aaqqissugaanerannik naliliissut 2024-mi Inatsisartut ukiakkut ataatsimiinneranni agguanniarnearpoq ataatsimiititaliamit maluginiarneqarpoq. Oqartussaaqataaneq innuttaasunullu sullissineq pillugit innuttaasut misilittagaat nalilersuinnermi aallaavigineqassapput. Siunnersuut naliliinerlu kommunit aaqqissugaanerisa isumaliutigineqaaqqinnissaannut tunngavissaalluassasut ataatsimiititaliaq isumaqarpoq.

Kommunit aaqqissugaanerannik naliliissutip Naalakkersuisumut suliarineqartusanngortinneqartup inernerisa – kingusinnerpaamik UKA 2024-mi - takunissaat ataatsimiititaliamit qilanaarneqarpoq, tak. aalajangiiffigisassatut siunnersuut UKA 2022/93. Naliliilluni suliap tamatuma ilusiligaanera, killiffia ingerlanneqarneralu pillugit Inatsisartunut – isumaliutissiisummut matumani pineqartumut akissuteqaatertik aqqutigalugu – ilisimatitsissuteqaaqqullugit Naalakkersuisut ataatsimiititaliamit kaammattorneqarput.

Kommunit maanna aaqqissugaanerisa sunniutaata uuttuutit pingasut matuma kinguliani allassimasut malillugit uuttuinikkut erseqqinnerusumik misissorneqarnissaa pillugu nammineq borgmesterillu tallimaasut isumaqatigiissutigisimagitsik Nunamut Namminermut Naalakkersuisup ukioq kingulleq tusagassiorfinnut nalunaarutikkut tamanut nalunaarutigaa:

- Innuttaasoq qitiutillugu.
- Inatsisitigut isumannaatsuuneq qaffassarlugu.
- Qanimut oqartussaaqatigiinneq nukittorsarlugu.

Suleqatigiinneq tamanna maannamut qanorpiaq angusaqarfiusimanersoq pillugu Naalakkersuisoq Inatsisartunut ilisimatitsissuteqassasoq ataatsimiititaliamit kissaatigineqarpoq.

Siunnersuutip aningaasaqarnikkut kingunerisassai

Aalajangiiffigisassatut siunnersuutip piviusunngortinneqarnerani aningaasaqarnikkut allaffis-sornikkullu kingunerisassat siunnersuutip tunngavilersuutitaani nassuiaatigineqartassasut Inatsisartut suleriaasianni § 33, imm. 1-imi allassimavoq.

Tamanna naapertorlugu siunnersuutip piviusunngortinneqarnerani aningaasaqarnikkut kingunerisassat siunnersuummi taamaalilluni allassimasut ataatsimiititaliamit maluginiarneqarpoq, taamaalilluni nassuiaat ukioq naallugu sulisorisap 500.000 kr.-it missaannut naapertuuttup iluani AC-fuldmægtimit ataatsimit suliarineqarsinnaassasooq missingerneqarluni.

Ataatsimiititaliap inassuteqaatai

- Tamanna tunngavigalugu Inut Ataqtigiit allannguutissatut siunnersuutaat akuerineqassasooq ataatsimiititaliap isumaqtigiittup inassutigaa.

Ataatsimiititaliap taama oqaaseqaateqarluni isumaliutissiisummilu allassimasutut paasinnil-luni siunnersuut aappasaaniigassanngortippaa.

Anders Olsen
Siulittaasooq

Mette Arqe-Hammeken

Harald Bianco

Asii Chemnitz Narup

Kuno Fencker